

Presidente di SADA Sharine Hernandez

Dialogo Social ta un instrumento cu ta conta cu apoyo di ILO

ORANJESTAD - Tabata na 2009 cu formador Mike Eman a dicidi di duna un contenido diferente na e rol aki. Si antes e consulta cu sindicato y gremionan tabata limita, den e concepto nobo ta duna mas espacio na e diferente instancia y gremionan den encuentronan prome cu formacion di e Gobierno nobo. Un biaha mas Mike Eman, despues di eleccionnan di 27 di september ultimo, a haya encargo di Gobernador Refunjol pa ocupa e rol di formador pa e Gobierno nobo.

Henter e siman aki, Eman hunto cu su team, ta participando den reunion cu gremio, institucion y sindicatonan pa informa nan di loketadese di Gobernador, pero alabes scucha nan idea y sugerencianan. "Nos ta contento di a wordo invita pa e reunion," Sharine Hernandez di Sindicato di Douaneronan SADA a bisa. "Nos por duna nos opinion y kico nos ta spera di un Gobierno nobo pa e proximo cuatro añanan."

Tambe, el a bisa, di a tende di formador kico ta wordo spera di nan, segun e diferente consultanan cu Gobernador Refunjol a tene prome di a nombra e formador.

Manera ta conoci, bou di e gobernacion cu ta finalizando, a bini cu un splitsing entre Departamento di Belasting y Douane, y cada uno ta funciona riba su mes awor. E fase cu a sigui e independizacion ta e reorganizacion, cu no a logra finalisa ainda. Riba e tema aki tambe a papia cu formador cual ta e pensamentonan di SADA pa e reorganizacion por ta exitoso y pa Gobierno sigui pone atencion riba e tema aki pa por finalisa e fase ey mas lihe posibel.

Dialogo Social tabata un di e topiconan cu a bini dilanti

den e reunion cu formador, mirando cu SADA a participa na diferente di e reunionnan aki. E ta un instrumento cu ta wordo promovi door di Organizacion Internacional di Labor (ILO). E ta importante,

segun e Presidente di SADA, pasobra e ta un plataforma unda cu organisacionnan ta bini hunto pa intercambia di idea, pero tambe ta trece expertonan aden pa yuda nan cu cierto temanan specifico.

E tipo di discusionnan ta trece cu n'e cu ta scoge e miho posibilidadnan pa e pais. "Dialogo Social ta un plataforma pa duna nos pensamiento y contribucion na mehoracion di puntonan

cu ta bini dilanti. Pa nos ta importante pa sigui cune". El a agrega cu ta hustamente via di Dialogo Social a mira mehoracion di diferente punto cu a wordo proponi pa discusion.